

大乘造像功德經卷上

悲大

唐寧藏法師提靈著奉制譯

如是我聞一時佛在三十三天波利質多羅樹下與無量大比丘衆及無量大菩薩衆俱彌勒菩薩摩訶薩而爲上首爾時世尊在彼天上三月安居爲母說法於

諸天衆多所利益令無量諸天離苦解脫無量諸天皆蒙法利獲大福果時彼衆中有一天子壽將欲盡五衰相現以聞法力命終之後還生此天永離惡道

爾時間浮提中無有如來譬如暗夜星中無月如國無君如家無主歡娛戲樂一切都息是時衆生孤獨無依皆於如來心懷戀慕生大憂惱如喪父母如箭入心共往世尊曾所住處園林庭宇悉空無佛倍加悲戀不能自止爾時優陀延王住在宮中常懷悲感渴仰於佛夫人采女諸歡樂事皆不涉心作是念言我今憂悲不久當死云何令我未捨命間

得見於佛尋復思惟譬言若有人心有所愛而不得見見其住處及相似人或除憂惱復更思惟我今若詣佛先住處不見於佛哀號感切或致於死我觀世間無有一人能與如來色相福德智慧等者云何令我得見是人除其憂惱作是念已即更思惟我今應當造佛形像禮拜供養復生是念若我造像不似於佛恐當令我獲無量罪復作念言假使世間有智之人咸共稱揚如來功德猶不能盡若有一人隨分讚美獲福無量我今亦然當隨分造即時告勑國內所有工巧之人並令來集人既集已而語之言誰能爲我造佛形像當以珍寶重相酬賞諸工巧人共白王言王今所勑甚爲難事如來相好世間無匹我今何能造佛形像假使毗首羯磨天而有所作亦不能得似於如來我若受命造佛形像但可摸擬螺髻玉毫少分之相諸餘相好光明威德誰能作耶世尊會當從天下所造形像

若有虧誤我等名稱普皆退失竊共籌量無能敢作其王爾時復告之曰我心決定勿有所辭如人患渴欲飲河水豈以飲不能盡而不飲耶是時諸人聞王此語皆前拜跪共白王言當依所勑然請大王垂許我等今夜思審明晨就作復白王言王今造像應用純紫

悲九

栴檀之木文理體質堅密之者但其形相爲坐爲立高下若何王以此語問諸臣衆有一智臣前白王言大王當作如來坐像何以故一切諸佛得大菩提轉正法輪現大神通降伏外道作大佛事皆悉坐故是以應作坐師子座結跏之像

二

爾時毗首羯磨天遙見其事審知王意欲造佛像於其夜中作是思惟我身所解最爲巧妙世間之中無如我者我若爲作應少似佛即變其身而爲匠者持諸利器至明清旦往王門側令守門人具白王言我今欲爲大王造像我之工巧世中無匹惟願大王莫使餘

人王聞此語心大欣慶命之令入觀其容止知是巧匠便生念言世間之中何有此人將非毗首羯磨天或其弟子而來此耶王於爾時即脫身上所著瓔珞手自捧持以挂其頸仍更許以種種無量諸珍寶物時王即與主藏大臣於內藏中選擇香木肩自荷負持與天匠而謂之言善哉仁者當用此木爲我造像令與如來形相相似爾時天匠即白王言我之工巧雖云第一然造佛形相終不能盡譬如有以人以炭畫日言相似者無有是處設以真金而作佛像亦復如是有外道言梵王能作一切世間然亦不能造佛形像盡諸相

悲九

三

好桓我工巧世中爲上是故我今爲王作耳今晨即是月初八日弗沙宿合毗婆訶底出現之時佛初誕生還有此應此日祥慶宜應起作發是語已操斧斫木其聲上徹三十三天至佛會所以佛神力聲所及處衆生聞者罪垢煩惱皆得銷除爾時如來即便微笑種

種歎美其王功德乃至遙授阿耨多羅三藐三菩提記

爾時三十三天主白佛言世尊今在人間頗亦有人曾於曩生作佛像不佛言天主諸有曾經作佛像者皆於過去已得解脫在天衆中尚復無有況於餘處唯有北方毗沙門子

那履沙婆曾於往昔造菩薩像以斯福故後得爲王名頻婆娑羅復因見我今得生天有大勢力永離惡道優樓頻螺迦葉伽耶迦葉那提迦葉並曾於往世修故佛堂由此因緣求得解脫憍梵波提昔作牛身追求水草右遶精舍食諸草竹因見尊容發歡喜心乘茲福故今得解脫尸毗羅曾持寶蓋供養佛像阿窓樓獸然一支燈亦以供養輸鞞那曾掃佛堂阿婆麼那於佛像前燃燈施明難陀比丘愛重尊儀香水洗沐有如是等無量諸阿羅漢皆悉曾於佛像之所薄申供養乃至極下如那伽波羅於像座前以少許黃丹畫一

像身而爲供養由此福故皆永離苦而得解脫天主若復有人能於我法未滅盡來造佛像者於彌勒初會皆得解脫若有衆生非但爲已而求出離乃爲欲得無上菩提造佛像者當知此則爲三十二相之因能令其人速致成佛

爾時優陀延王心自思惟云何令我所造之像速得成就作是念已語彼匠言汝可勤心令功速畢使我早得瞻仰禮敬是時天匠運其工巧專精匪懈不日而成其像加趺坐高十尺面及手足皆紫金色時優陀延王見像得成相好端嚴心生淨信獲柔順忍既得忍

悲九

四

已益加欣慶所有業障及諸憂惱並得銷除譬如日出霧露皆盡唯除一業現身受者以曾於聖人起惡語故其王爾時即以種種珠珍異物賞彼天匠是時天匠敬白王言王今造像我心隨喜願與大王同修此福今王所賜非我敢受若要相與待餘吉日作是語已

即於其夜還昇本天

爾時諸大國王阿闍世等並先於佛心懷渴慕聞王造像功已獲成皆生喜慶共至王所各以無量華香音樂供養佛像復以種種諸珍寶物贈奉於王咸作是言大王所作甚爲希有能拔我等愁憂毒箭

爾時如來在彼天中爲母說法及諸天衆咸得利喜所應作事皆已作訖復告衆言諸天乎諸佛世尊是常住身若諸衆生有可度者即爲出現教化說法若所作事畢更無有能受法化者如來於此即便不現無智之人謂佛實滅如來身者法身常身實不滅度諸天子一切諸佛法皆如是爲化衆生有現不現爾時如來復作是言汝等當知此諸天衆所應度者皆已度訖吾今將欲下閻浮提汝等諸天若念我者當勤精進勿復放逸所以諸何放逸過失故令汝等不得阿耨多羅三藐三菩提然汝等以於往昔曾種善根今得在

此受天快樂便著放逸不修福行此諸快樂無常所隨一從殞墜長淪惡道又汝等諸天煩惱尤重見有勝已便生嫉妬曾不念言彼天勝樂由多福業之所感致我若勤修必亦當得又今汝等身色光澤如日初輝若懷嫉妬心黯如死炭復當令墮大黑闇中乃至不能自見手掌後復當作食吐之鬼又汝等諸天受衆福報身相嚴潔威勢勇猛由嫉妬故當受女身永失丈夫威猛之力諸天子我念昔者有無量諸王皆爲汝等嫉妒之心非理所害諸天子昔有阿脩羅王名曰鄖羅修行苦行戒品清潔而汝諸天等遣一天女名鄖婆尸惑彼王心令虧淨行其王染著威德損減被那羅延天之所殺害并無量阿脩羅衆同時敗滅其那羅延天既殺此王又誅其衆因即收取鄖婆尸女而往天宮復有一王名曰那訶受汝等諸天誑惑之語助諸天衆伐阿脩羅脩羅破已汝等諸天反加其害又汝

等諸天以舍支夫人故心生忿妬構行讒毀令阿伽婆仙人無故被嫌而興惡願又汝等諸天曾爲誰惑謂曇荼王曰仙人之處多有真金王信此言逼之令出仙人由是心生憤恚即時猛火燒殺其王昔復有王名曰提婆當設大會以爲供養以斯福業威力自在上

此天中受天快樂汝諸天等心懷嫉妬令從忉利退墮闇浮所有威勢並皆喪失如月無光如河無水諸天子世中有人威德自在或得諸定或得神通或有成就四神足等若起一念嫉妒之心如是功德一時退失如提婆達多愚癡厚重乃於我所生嫉妬意即時自失五種神通

爾時天帝釋白佛言世尊我今有疑欲有所問言嫉妬者云何是耶復作是言世尊若有衆生見他勝已生如是念云何令我獲彼所得如是之心是嫉妬不佛言不也此是貪心非爲嫉妬天主其嫉妬者自求名利不欲他

斐九

六

有於有之人而生憎恚是爲嫉妬爾時諸天衆皆從座起右膝著地合掌向佛而作是言如佛所誨我諸天衆皆當奉行如來世尊爲父爲主爲尊重者爲最勝者能於我等起大慈悲而來至此令諸天衆皆得利益我等所願猶爲未滿欲於如來重請一事世尊世間之人於我等諸天多生輕慢何以故以諸佛如來人中生故復於人中成正覺故人中多有諸阿羅漢而得果故諸大威德辟支佛復於人間而出現故如來今者若不住此下闇浮提出間之人謂我等諸天不知如來有大威德應受諸天如法供養復謂我等不能供養諸佛世尊惟願如來少住於此受我微供令彼人間知我等諸天供養於佛于時世尊默然許可

爾時佛告大目犍連汝可先往闇浮提問訊四衆作如是言一切衆生憶念我者咸應集會僧伽尸國却後七日皆當見我

爾時大目捷連頂禮佛足禮佛足已如一瞬
頃到闍浮提以佛所勑告諸四衆時優陀延
王等及一切衆生聞佛此言若身若心歡喜
踊躍皆除憂惱普得清涼

爾時四衆比丘比丘尼優婆塞優婆夷欲共
往詣僧伽尸國並先來集王舍城中互相謂

悲九

七

言如來出尊下闍浮提誰能先得恭敬禮拜
法未盡來恒爲上首爾時摩訶迦旃延聞此
語已心懷不悅恐比丘尼得爲上首何以故
彼衆之中有優波難陀蓮華色二比丘尼善
能通達諸佛法藏所得神通唯除目連更無
等故作是念已種種訶責比丘尼衆時蓮華
色比丘尼告諸尼言我等女人在於俗間常
被尊貴縱使種族卑賤之者仍得丈夫恭敬
禮重承事供養又佛法中諸比丘尼父母眷
屬多是王種精進持戒不犯威儀具諸德業
仍令禮敬初戒比丘又尊者迦旃延今復作
此種種訶責我爲汝等設諸方便令比丘尼

出過於彼作是語已與諸四衆即便往赴僧
伽尸城

爾時波斯匿王阿闍世王及毗舍離國嚴熾
王等各將四兵前後導從有大勢力所乘象
馬皆以種種寶物莊嚴幡蓋香華并衆妓樂
威容肅穆狀若諸天皆亦往詣僧伽城所

爾時優陀延王嚴整四兵以爲侍從乘大白
象珍寶綺飾躬自荷戴所造之像華旛音樂
隨逐供養從其本國向僧伽尸城

爾時毗首羯磨天并諸天衆知佛將欲下闍
浮提作三道寶階從僧伽尸城至忉利天其
階中道瑠璃所成兩邊階道悉用黃金足所
踐處布以白銀諸天七寶而爲間飾
爾時帝釋遣使往詣夜摩天兜率陀天化樂
天他化自在天及于梵世而告之曰如來不
久下闍浮提欲有供養願來至此復遣使往
四大王天大海龍王捷闍婆緊那羅夜叉等
衆而謂之言出尊今欲下闍浮提可持所有

來此供養時彼諸天及龍神等聞此語已靡不雲集忉利天中

爾時世尊在須彌山頂與諸天衆將欲下時一切諸天前後翼從威德熾盛光明赫奕如滿月在空衆星共遶如旭日初出采霞紛映時佛衆會其狀如是

悲九

八

爾時闍浮提中以佛威神有五種希有之事一者令彼諸天不見人間不淨之物二者令諸女人見彼天男而無欲想三者亦令丈夫見諸天女不生染意四者令於人間遙見諸天種種供養五者諸天之身光潔細妙非人所覩以佛神力顯然明著皆可得見

龍雨於微細香雨于時空中淨無雲曠雷聲美妙聞者喜悅捷闔婆神緊那羅神奏提婆

那伽微妙之曲歌讚如來本生之事于時間浮提內王及臣人并四衆等周匝遍滿僧伽尸城或散香華或持幡蓋吹螺擊鼓種種音樂向空供養舉手合掌瞻仰於佛人天名花

上下交散繽紛而下積至於膝諸外道衆見斯事者咸亦發心歸依禮敬

爾時世尊足蹈寶階次第而下至於半路四天王天即於其所廣設供養此供殊妙劫初已來未曾有也

悲九

九

爾時世尊從天初下足蹈寶階梵王在右手執白蓋帝釋在左手持白拂其餘諸天皆乘虛空隨佛而下一時同奏種種音樂各自捧持幢幡寶蓋散華供養淨居天衆聚塞虛空無量百千諸天女持寶珠瓔珞歌讚佛德復有諸天於虛空中兩種種香及種種華諸

爾時如來受天供畢復與大衆巡階而下至最下級欲踐地時其蓮華色比丘尼即變其身作轉輪王領四種兵七寶前導從空來下疾至佛所諸國王等各興是念此轉輪王從何所來于時尊者須菩提在自房中見佛下來即整衣服遙申禮敬時蓮華色比丘尼捨輪王身還復本形遽即頂禮佛世尊足爾時

世尊種種訶責彼比丘尼而謂之曰汝今知
不須菩提已先禮我汝得誰教變作輪王汝
得預出家受具足戒已過其分汝智慧微少
詔許無邊慈悲報恩如露一滴豈能於我法
中而爲上首時蓮華色比丘尼聞佛教誨深
生愧恥即白佛言世尊我今自知爲過不少
從今以往不敢復更變現神通

從今以往不敢復更變現神通
爾時間浮提內國王大臣并四部衆皆以所持種種供具供養於佛時優陀延王頂戴佛

像并諸上供珍異之物至如來所而以奉獻
佛身相好具足端嚴在諸天中殊特明顯譬
如滿月離衆雲曉所造之像而對於佛猶如
堆阜比須彌山不可爲喻但有螺髻及以玉
毫少似於佛而令四衆知是佛像

堆阜比須彌山不可爲喻但有螺髻及以玉
毫少似於佛而令四衆知是佛像
爾時優陀延王白佛言世尊如來過去於生
死中爲求善提行無量無邊難行苦行獲是
最上微妙之身無與等者我所造像不似於
佛竊自思惟深爲過咎

大乘造像功德經卷上

悲九

諸天衆悉亦隨喜未來世中有信之人皆因
王故造佛形像而獲大福王今宜應歡喜自
慶

爾時世尊告彼王言非爲過咎汝今已作無量利益更無有人與汝等者汝今於我佛法之中初爲軌則以是因緣故今無量衆生得大信利汝今已獲無量福德廣大善根時天帝釋復告王言王今於此勿懷憂懼如來先在天上及此人間皆稱讚於王造像功德凡

竊切操斧上七
音方尾反
囊刃黨免駄上女俟反
下唐賀反
下古賣反
墜正作隕羽敏反
構行上古候讒毀上助
反亂也
也
諷
信
聯
頃
上詩
肅穆宿日赫奕許
下於芳文反續紛上
反滴水旭日
王上音婦
反
堆阜上丁回反
軌則上俱